



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Verbo Dei Libri Tres

Helm, Heinrich

Coloniae, 1560

VD16 H 1736

Falsißimè impij, ecclesiae ordinationes & sanctiones pias, bonas & sanctas, traditiones humanas uocauit. Caput. LI.

urn:nbn:de:hbz:466:1-30114

*Falsissimè impij, ecclesiæ ordinationes & sanctiones piæ,
bonas & sanctas, traditiones humanas
uocauit. Caput. LI.*

- A.** Quid de traditionibus humanis Saducæi nostri obtrudunt, futilè prorsus est ac raucidum, nec respon-
Matt. 15. sione dignum. Non enim Christus damnat ecclesiæ sanctissimos ritus in Dei laudibus, & ordinationes de sacramentorum administratione, nec sanctorum patrum scripta, nec decreta & sanctiones pro conseruatione iustitiæ, pacis, honestatis, pudoris, ordinis, amicitie, sanctitatis, honoris diuini, bonæ famæ, disciplinæ, & pietatis factas. Neque regulas viuendi concorditer secundum Dei Euangelium, & habitare in vnum, ac vnanimiter vno ore Deum honorificare, sicuti patres in regulis suis tradunt, & factis & verbis docent, Christus reprehendit, arguit, damnat, prohibet, & iubet abrogari, quod tamen sycophantæ impiè ac falsissimè moliuntur hinc concludere & inferre: quando hæc ipsa sunt Dei præcepta, aut Christi consilia: quædum rectè intelliguntur & seruantur, semitæ sunt & methodi accommodissimæ ad imitandum Deum, & sequendum Christum sine impedimento, & dignè Deo & euangelio ambulandum in vita quieta & tranquilla, in omni pietate, castitate, veritate & sanctitate.
- B.** Nec voluit Christus, tales ordinationes non debere fieri, aut factas non posse seruari. Nā & ipse Augusto Cæsari, *Luc. 2.* quauis gentili, detulit, quādo parètes eius edicto imperatoris morem gerentes in Bethleem profitebantur obedientiam. Et ipse postea tributum pro se & Petro iussit dari, *Matth. 17.* siue censum. Sic & Deo quod Dei est, & Cæsari quod Cæsaris præcepit dari. Si vniuersaliter traditiones humanæ non essent seruandæ, sed damnandæ, certè peccasset *Acto. 16.* apostolus, qui allegauit Philippis quod ciuis Romanus esset, ac per hoc timorem incussit multis. Cōsimili etiam prou-

prudētia manus inimicorum suorum euasit in Cæsarea, appellādo Cæsarem. Imō, ipse doctor & magister gentiū *Act. 25.* in fide & veritate, leges gentium allegat, dicens: Fratres, scē *Galat. 3.* cundum hominem dico: Hominis confirmatum testamētum nemo spernit aut superordinat &c. Sed & Colloſſen *Col. 2.* laudat eccleſiam, quam nunquam corā viderat, sed spiritu cum eis existens, gaudet: videns ordinem eorum, & fir- mamentum fidei Christi, quæ in eis fuit. Insuper, si homi- nes decreta & traditiones bonas facere non possunt, nulla iusticia conseruari, nullū regnum, nullā ciuitas pacificē regi potest. Quod prorsus insanum est & extreme demen- tia, vel cogitare: & verbo Dei aduersatur manifestē. Per me, inquit aterna sapientia, reges regnant, & legum con- *Prou. 8.* ditores iusta decernunt. Per me principes imperant, & po- tentes decernunt iusticiam. Idipsum in euangelio Chri- stus confirmans ait: Qui dixerit fratri suo Racha, reus erit *Matt. 5.* concilio. Et quid est reum esse concilio, nisi, q̄ potestate *Hest. 1.* præditi & sapientes, qui sciunt iura maiorum, in isto casu conuocari debent, & consultare, qua pœna plectendus sit, qui tali nota aut sono charitatem fraternam vel læsit vel fregit? Hoc nulla via liceret, si in potestate constituti, nul- lam sancienti traditiones & statuta, haberent potestatem, qua iniquorum refrenaretur audacia, insolentia & mali- cia, pax cōseruaretur, vt tuta esset inter malos innocentia.

Traditiones hominum quæ sunt? Cap. LII.

Quid igitur virtus & sapientia patris, Christus Iesus A- voluit, quando traditiones & præcepta hominum *1. Cor. 1.* damnauit? Apostolorum Satanæ mendacia, hæreticorum *Matt. 15.* pestilentium peruersa dogmata, tyrannorum, iniustorum *Rom. 7.* iudicum iniusta decreta, fascinatorum technas, cæcorum ducum vafra statuta, seductorum imposturæ, auponan- tium, & scripturas deprauantium insanias falsas. Et breui-

M 3, ter